



**SURAT EDARAN PENTADBIRAN
BILANGAN 9 TAHUN 2017**

**PENGANUGERAHAN IJAZAH KEHORMAT
KEPADA KETUA PERKHIDMATAN DI MALAYSIA
DAN PEMBESAR NEGARA ASING**

Pejabat Pendaftar
30 Mac 2017

Disalinkan kepada:

Naib Canselor
Timbalan Naib Canselor (Akademik & Antarabangsa)
Timbalan Naib Canselor (Penyelidikan & Inovasi)
Timbalan Naib Canselor (Hal Ehwal Pelajar)
Penolong Naib Canselor (Jaringan Industri & Masyarakat)
Penolong Naib Canselor (Pembangunan & Pengurusan Fasiliti)
Pegawai-Pegawai Kanan

SURAT EDARAN PENTADBIRAN BIL. 9/2017

PENGANUGERAHAN IJAZAH KEHORMAT KEPADA KETUA PERKHIDMATAN DI MALAYSIA DAN PEMBESAR NEGARA ASING

Surat Edaran Pentadbiran ini dikeluarkan bertujuan untuk memaklumkan kepada semua staf Universiti Teknikal Malaysia Melaka (UTeM) mengenai prosedur penganugerahan Ijazah Kehormat kepada Ketua Perkhidmatan di Malaysia dan Pembesar Negara Asing.

2.0 Ketua Pengarah Pendidikan Tinggi melalui surat bernombor rujukan JPT.S(G)2000/014/06 Jld.2(52) bertarikh 08 Mac 2017 telah memaklumkan berkenaan dua (2) perkara yang telah diputuskan oleh Kementerian Pendidikan Tinggi bagi memperkemaskan prosedur penganugerahan Ijazah Kehormat oleh Universiti Awam:

- 2.1 Penganugerahan Ijazah Doktor Kehormat kepada Ketua Perkhidmatan di Malaysia oleh Universiti Awam semasa memegang jawatan atau dalam tempoh perkhidmatan adalah **tidak digalakkan** bagi mengelakkan salah tanggapan daripada umum dan konflik kepentingan;
- 2.2 Universiti Awam hendaklah merujuk dan memaklumkan kepada Kementerian terlebih dahulu akan mana-mana cadangan penganugerahan Ijazah Doktor Kehormat kepada pembesar negara asing sebelum surat penganugerahan dikeluarkan. Tatacara penganugerahan Ijazah Doktor Kehormat telah dijelaskan melalui Pekeliling Pentadbiran Bilangan 1 Tahun 2007 Kementerian Pengajian Tinggi (seperti di Lampiran).

3.0 Sehubungan dengan itu, seluruh warga Universiti dipohon untuk mengambil maklum dan mengambil tindakan yang sewajarnya agar penganugerahan Ijazah Kehormat di peringkat Universiti Awam adalah mengikut prosedur yang telah ditetapkan.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



DATUK HASAN BIN SIRUN
Pendaftar
Universiti Teknikal Malaysia Melaka
/oZZ

Handwritten signature or mark.

KPT(KPK)012/01/09/13



**PEKELILING PENTADBIRAN BILANGAN 1 TAHUN 2007
KEMENTERIAN PENGAJIAN TINGGI**

**Penganugerahan Ijazah Doktor Kehormat
Kepada Pembesar Negara Asing Dan
Penggunaan Gelaran Doktor (Dr.) Oleh Pemegang
Ijazah Doktor Kehormat**

Tujuan

1. Pekeliling ini bertujuan untuk memaklumkan kepada semua Naib Canselor / Rektor IPTA mengenai tatacara yang perlu dipatuhi berkaitan dengan penganugerahan Ijazah Doktor Kehormat kepada pembesar negara asing, dan peraturan tentang penggunaan gelaran Doktor (Dr.) oleh pemegang Ijazah Doktor Kehormat.

Latar Belakang

2. Kementerian Pengajian Tinggi mengambil maklum akan usaha-usaha IPTA untuk mengiktiraf jasa/ sumbangan/ kecemerlangan/ ketokohan individu-individu tertentu khususnya

pembesar negara / negara asing, dengan menganugerahkan Ijazah Doktor Kehormat kepada mereka yang berkenaan.

3. Namun diperhatikan terdapat penganugerahan yang dibuat oleh IPTA kepada pembesar negara asing telah menimbulkan rasa kurang senang kepada Kerajaan Malaysia dan juga Kerajaan negara asing penerima anugerah berkenaan, dan telah memberi implikasi dari segi hubungan diplomatik di antara kedua negara.
4. Kementerian juga mendapati terdapat kes-kes tertentu di mana individu yang dianugerahkan Ijazah Doktor Kehormat khususnya di kalangan pembesar dalam negara telah menyalahgunakan gelaran Doktor (Dr.) di hadapan namanya. Penggunaan gelaran Dr. adalah hanya untuk mereka yang telah memperolehi Ijazah Doktor Falsafah (Ph.D) sahaja, dan bukannya mereka yang dianugerah Ijazah Doktor Kehormat.

Tatacara Penganugerahan Ijazah Doktor Kehormat Kepada Pembesar Negara Asing

5. Kementerian telah membuat keputusan supaya semua IPTA khususnya Naib Canselor / Rektor adalah dikehendaki merujuk kepada kementerian terlebih dahulu akan cadangan penganugerahan Ijazah Doktor Kehormat kepada mana-mana pembesar negara asing, sebelum surat penganugerahan dikeluarkan.

6. Kementerian kemudiannya akan mendapatkan pandangan dan ulasan daripada Kementerian Luar Negeri (Wisma Putra), sebelum merujuk cadangan berkenaan kepada Jemaah Menteri untuk kelulusan.

Peraturan Pemakaian Gelaran Doktor (Dr.) Oleh Pemegang Ijazah Doktor Kehormat

7. Jemaah Menteri melalui Mesyuarat Jemaah Menteri Nombor 450/2512/2006 pada **14 Jun 2006** semasa menimbangkan nota daripada Menteri Pengajian Tinggi **No. H397/2006** bertajuk **Salah Guna Gelaran Akademik Dan Pemastian Kesahihan Gelaran** telah memutuskan bahawa individu yang dianugerahkan Ijazah Doktor Kehormat tidak layak menggunakan gelaran Doktor (Dr.) di hadapan namanya, kecuali mereka yang telah memperolehi Ijazah Doktor Falsafah (Ph.D).
8. Semua Naib Canselor/ Rektor adalah diminta memaklumkan kepada penerima Ijazah Doktor Kehormat yang tidak memiliki Ijazah Doktor Falsafah mengenai penggunaan gelaran Doktor (Dr.) hanya dihadkan dalam majlis-majlis universiti sahaja seperti dalam buku konvokesyen, laman web universiti dan sebagainya. Penerima Ijazah Doktor Kehormat tidak dibenarkan menggunakan gelaran tersebut di hadapan


namanya untuk kegunaan awam, kecuali mereka telah berjaya memperoleh ijazah Doktor Falsafah (Ph.D).

Penutup

9. Pekeliling ini berkuat kuasa mulai tarikh pekeliling ini dikeluarkan.

Sekian, terima kasih.

"BERKHIDMAT UNTUK NEGARA"



(DA"O' DR. ZULKEFLI BIN A. HASSAN)
Ketua Setiausaha
Kementerian Pengajian Tinggi

Tarikh: 14 Februari 2007